

CICIKOANBADIEGU

BULICINA FASO

Taanyenma - Findima - Teginma

GUVENEMA MASOAGINDO

**BAALO KOANBALA TAANLI
JAGA DOAGIDIMA**

(PP-G/TRANS N°032-2024)

Rimaliba Jan Emanuweli WEDARAWOGO

Wagadugu, li binli 2024 cipiiga dana 2

Tinunga 1 bonmu 27 nni

Baalo Koanbala Taanli den kali Wagadugu
nani ban maani ki tiedi maama dana lele kuli,
alaaliba daali, li binli 2024, cipiiga o dana 2,
ki cili leeri 9 yogunu ki ban gbeni leeri 13 leni miniti 27.
Kapitenni Ibarayimi TARAWARE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

I. A JAGA

I.1. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA DAMU KANI

A Koanbala Taanli taa **ñoamabonli tili** yaali n doagidi li laafiali Cagili tuona, lin baa yaa cuoni maama leni yaa niba n baa kua li niinni.

Li bali maama lanba 003-2021/AN ban den taa yaama li binli 2021 cinaa dakpiali ke mi tuugi leni Baalo tuonsoanba yema ŋamu jaga Bulicina Faso nni den mali ki bili yaa mabilikaama n baa todi ban tugi yaa tuonsoanlo n baa mi poagilima leni yua n yiagi kelima li tuonli po tugili. Ama yaa tuonsoanlo n baa mi poagilima leni yua n yiagi kelima li tuonli po tugili taama baa ŋoadi li laafiali Cagili n biigi ki la ki yedi yaale.

Laa ñoamabonli tili pia yaa boncanla n tie ne:

- yaa niba n baa yaa ye li laafiali cagili nni coali baa wadi ki ña niba 14 ki jiidi niba 7;
- li laafiali cagili puoga wadima yaala n tuugi leni baalo tuonsoanlo poagilima leni o yianu kelima li tuonli po tugili taama leni laa tuonsoanlo buuma dietoama nni.

Laa ñoamabonli tili taama baa todi baalo tuonsoanlo poagilima leni o yianu kelima li tuonli po tugili taama n ŋanbi ki pugini ki go teni laa tuonsoanlo buuma dietoama nni n dingi ki pugini.

I.2. YAA KOANBADIEGU N DIIDI TI DIEMA LOAGU LENI I LIGI KANI

A koanbala Taanli tuo **tiwaankaana taa (03)**.

Li tiwaankakpiali tuugi leni **yaa ñoamabonli tili ke bi da bogidi** ke li tuugi leni ti diema tuonsoancagili yaali n magi li bonjekaala ki biliti u yogunpaalu po (lan tie SONASESI) ligi taanma BAGEREPOLI SENMI leni SURUPOLI SENMI tuonsoancaga nukubili nni.

Laa ñoamabonli tili baa teni SONASESI ligi taanma BAGEREPOLI SENMI leni SURUPOLI SENMI tuonsoancaga nukubili nni n ñoadi u sanu ki tuugi leni bali maama lanba 25/99/AN ban den taa yaama li binli 1999 piiga n cilo dana 16 ñoamabonli 4 kani n yedi yaala ke li tie yaa mabilikaama n gobidi baalo tuonsoanjaana ya n tuuni leni baalo ligi.

Laa ñoamabonli tili taama baa teni ti diema tuonsoancagili yaali n magi li bonjekaala ki biliti u yogunpaalu po (SONASESI) ligi taanma BAGEREPOLI SENMI leni SURUPOLI SENMI tuonsoancaga nukubili nni n goa ki ñoadi lan den bili maama leni yaa ligiyuli n pundi **miliyonba piinii (80 000 000) seefa ligi** BAGEREPOLI SENMI po leni **miliyonba kobilie (200 000 000) seefa ligi** SURUPOLI SENMI mo yaa po.

Li tiwaankalieli tie **ban bogidi yaa bali maama** ke mi tuugi leni yaa bali maama n gobidi ti ligidiedi (bankinba) tuona Bulicina Faso nni.

Laa bali maama yaama ke bi bogidi yeni tie ban goa ki pegidi bankinba bali maama yaama n gobidi Afiriki nintuali dogi (IMOWA) bankinba tuona , laa dogi koanbala taanli n den taa yaa bali maama li binli 2007 nni ban den kali yaa taanli nni ki baa pegidi bankinba leni o bankiciamo BESEYAWO tuona.

Hali laa yogunu, BESEYAWO kuani mi lebidima boncianla yaama n sii IMOWA tuona mabilikaama. Laa lebidima n lingi yaala tie ki ñii yaa sanbila n ye li ñandunli nni laa bonla po ki nan go pegidi ki ñanbi bankinba tuona leni bi tuona goandima sanbila ke laa bankinba n baa u fidu ki pugini ki nan go fidi ki tuogi moala yogunu yema.

Ban bogini yaa bali maama yeni n lingi yaala tie ki yegi leni tin maadi yaa lebidima maama tanpoli yeni.

Yaa lebidima n kua ban bogini yaa bali maama yeni niinni tie mine:

- bankinba bali maama baa tandi ki sii yaa tuonsoandiedi n pa i ligi leni yaadi n tuuni leni yaa ligi n cuoni leni a masina leni telefonninba;
- laa bali maama ñani yaa ligidiedi n kubi i ligi a tuona po (SEDESE) bankinba bali maama nni nani tankalafo ligidiegu n kaa taa lienni maama yeni ;
- yaa bali maama n gobidi ti kpenkpendidiedi leni u kpendu tuonsoancaga ñoadima yaa tuonsoandiedi n baa u sanu po, ki cedi li bali maama n cedi yaadi po.

A koanbala taanli puni u sanu ke laa bali maama yaama n bogini yeni n suagi depitenba kaanu.

Li tiwaankataali tie ban bogidi yaa bali maama ke mi tuugi leni ban puni u sanu a tila ñiima n tieni Bulicina Faso leni li ñandunli tuonsoancagili yaali n ye mi findima po (IDA) siiga ke ti diema n baa i ligi ki kuani o nisaalo findima porose nni.

Laa ligi baa pundi **92 700 000 Ero ligi**, lan tie **60 807 219 000 seefa ligi**.

O nisaalo findima porose n lingi yaala tie ki todi baalo n pia yaa moandili bi niba yema tilado po. Lan tie:

- ki teni a puotugipunba leni yaa biwaala n ki cie bina muu (05) n yaa baadi mi buuma ke laa yegi leni pani;
- ki teni a bonwaala kuli n baa yaa bebadima n baa guuni ba leni yiani muu;
- ki teni a cogibila kuli n fidi ki tieni bi biigima li binli nni;
- ki moandi cogibila canbaanba kuli n yaa pia mi banma sieditila ki go yaa baadi yaa bangima n dagidi.

A koanbala taanli puni u sanu ke laa bali maama yaama n bogini yeni n suagi depitenba kaanu.

I.3. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA KANI

A koanbala taanli tuo **tiwaankayenli** yaali n tie Burundi diema miabu ki bua ki kaani o saliwuudo Tondo Bulicina Faso nni.

A koanbala taanli tuo Burundi diema miabu ke o joa **Eduwaadi NDUWIMANA** n tua laa diema saliwuudi Tondo Bulicina Faso nni ke o yekaanu n yaa tie Abuja, lan tie Najieliya diema nni.

I.4. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA

A koanbala taanli noanli **yaa bali maama n bogini** ki baa pegidi mi diema yema gobidima tibulo.

Yaa bali maama ke bi bogini yeni baa tieni mi pegidima ñoamabona taa (03) kani ; laa lebidima n tie ne:

- Bulicina Faso jakoandi-dondili yaali n bi tie « Taanyenma-Findima-Teginma » baa lebidi ki tua « **Ti baa dogu po baa li yaa dani kuuma, ti baa paadi !** » ;

- depitenba n yen pa u sanu ke Bulicina Faso n fidi ki taani leni dotoe caga ban nni;
- depitenba n yen taa bali maama yaama n baa bogini Bulicina Faso Yudanciamo tuona.

Baa ke mi lebidima den tieni ti diema jakoandi-dondili po li binli 1997 nni, ti nan li sua ke « **Ti baa dogu po baa li yaa dani kuuma, ti baa paadi !** » tie yaa mayedikaama n ye bi niba pala nni ki tie maalima yaa yogunu ke bi bua ki doagidi bi buama bi ki tuo o falaciamo bi diema po. Moko, yogunu kuli ti cengi laa mayedikaama bi paatieba maama nni leni Bulicina Faso niba yema nni.

Ban bogini yaa bali maama yeni baa todi tugini ti diema gobidima tibulo mabilikaama leni bi niba yanbuama, ki nan go tugini ti diema jakoandi-dondili leni ti diema jakoandi-yani.

Li go baa todi ban pegidi ti diema gobidima tibulo ñoamabonli piitaa n biluoba (36) ki cilini tuonjaali yaali n ye celi ki baa yaa todi Bulicina Faso Yudanciamo o tuona nni.

A koanbala taanli puni u sanu ke laa bali maama yaama n bogini yeni n suagi depitenba kaanu.

I.5. YAA KOANBADIEGU N DIE A BONWAALA COGU, TI MAAMAAMAAMA COGU LENI TI DIEMA MABUOLI FINDIMA KANI

A koanbala taanli taa **jagiyenli** yaali n bogini yaa koanbadiegu n die a bonwaala cogu, ti maamaamaama cogu leni ti diema mabuoli findima.

Li ñoamabonli lanba 2024-0908/PRES/PM ban den ñani yaali li binli 2024 cinii dakpiali ki waani yaaba n ye Gufenema nni, li yaa puoli bi den suagi ki doagidi Gufenema koanbala puoga n tie ya leni li ñoamabonli lanba 2024-1022/PRES/PM yaali n ñani li binli 2024 ciyia dana 2. Laa ñoamabonlieda ñama

boagidi a bonwaala cogu, a bicegidinkaana cogu, ti maamaamaama cogu leni ti diema mabuoli findima koanbadiegu ke li tua koanbadiedi lie, lan tie yaa koanbadiegu n die a bonwaala cogu, ti maamaamaama cogu leni ti diema mabuoli findima leni a bicegidinkaana cogu leni mi tuonsoanbanma bangima koanbadiegu. Ki kuani laa ñoamabona yedima, li tie tilade yaa koanbadiegu n die a bonwaala cogu, ti maamaamaama cogu leni ti diema mabuoli findima n baa yaa tili n goa ki bogini o tuonsoanjaana.

Laa ñoamabonli ñama baa teni yaa koanbadiegu n die a bonwaala cogu, ti maamaamaama cogu leni ti diema mabuoli findima n baa yaa tili n goa ki bogini ku tuonsoanjaana.

I.6. A BICEGIDINKAANA COGU LENI MI TUONSOANBANMA BANGIMA KOANBADIEGU KANI

A koanbala taanli taa **jagiyenli** yaali n bogini a bicegidinkaana cogu leni mi tuonsoanbanma bangima koanbadiegu.

Li ñoamabonli lanba 2024-0908/PRES/PM ban den ñani yaali li binli 2024 cinii dakpiali ki waani yaaba n ye Gufenema nni den goa ki cilini a bicegidinkaana cogu leni mi tuonsoanbanma bangima koanbadiegu. Laa koanbadiegu cilima baa todi ban taani koleesi cogu, lise cogu leni mi tuonsoanbanma bangima kuli koanbadieyengu nni ; laa bonla tie boncilikaale Bulicina cogu boginma nni.

Laa ñoamabonli ñama baa teni a bicegidinkaana cogu leni mi tuonsoanbanma bangima koanbadiegu n baa yaa tili n bogini ku tuonsoanjaana.

I.7. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA

A koanbala taanli taa jagiyenli yaali n bogini yaa koanbadiegu n die a cogibigbenga cogu leni mi bancanma linginma tuona.

Li ñoamabonli lanba 2024-0908/PRES/PM ban den ñani yaali li binli 2024 cinii dakpiali ki waani yaaba n ye Gufenema nni, li yaa puoli bi den suagi ki doagidi Gufenema koanbala puoga n tie ya leni li ñoamabonli lanba 2024-1022/PRES/PM yaali n ñani li binli 2024 ciyia dana 2. Ki kuani laa ñoamabona yedima, li tie tilade yaa koanbadiegu n die a cogibigbenga cogu leni mi bancanma linginma tuona n baa yaa tili n goa ki bogini o tuonsoanjaana.

Laa ñoamabonli ñama baa teni yaa koanbadiegu n die a cogibigbenga cogu leni mi bancanma linginma tuona n baa yaa tili n goa ki bogini ku tuonsoanjaana.

I.8. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA

A koanbala taanli noanli **bali maama yaama ke bi bogini** ki kuani mi kpalipasingbanma tuona.

Bali maama yaama ke bi bogini yeni goa ki pegidi li bali maama lanba 017-2014/AN ban den taa yaama li binli 2014 cimuu dana 20 ki kuani yaa kpalipasingbanma n kan wudi tagima, mi bondaakuanma ti diema nni, mi kuadima leni mi boagidima Bulicina Faso nni.

Bina piiga pendima, laa bali maama ñoadima doagidi ke poadi ye mi niinni ki cedi ke bi niba naa ñoadi bali maama yeni mabilikaama, ki go cedi ke mi kpalipasingbanma yaama n kan wudi yadiyadi ki pugini ti gaanilindima nni.

Ban bogini yaa bali maama yeni nni lebiditianma tie mine :

- mi kpalipasingbanma yaama n baa wudi leni yaama n kan wudi kuli tie kuale;
- mi kpalipasingbanma yaama n kan tuo ki soani lan cie yenma bi yaama baa lu kuli tie kuale;

- mi kpalipasingbanma juuma (siama) tie kuale kelima lan ñaandi yaa muñii kpendinni i yiani.

Ama li pia ban ñani yaa sanbila ki baa yoaligi laa bali maama mabilikaama. A sanbila yenii tiamaa nne :

- mi kpalipasingbanma yaama ke bi tagi ti diema nni bi ki ñandi ma dietoama nni ki kuandi ma ti diema nni ki baa yaa poabindi a masina bontagikaala bi u nuu bontagikaala nannani a ñinkpalipala ;
- mi kpalipasingbanma yaama n baa kua bi niba laafiali tuona nni, mi bancaama lingima nni leni ti diema guunli tuona nni;
- mi singbanma yaama n tie tiadi ki juagi yaadi yaa niinni ke bi baa fidi ki tieni bonla ki sieni kaa taa leni mi kpalipasingbanma.

A koanbala taanli puni u sanu ke laa bali maama yaama n bogini yenii n suagi depitenba kaanu.

I.9. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA

A koanbala taanli taa **jagiyenli** yaali n bogini yaa koanbadiegu n die ku gbanansaagu jeliti tuona, bi nipanba leni a tuona baama tuonsoanjaana.

Li ñoamabonli lanba 2024-0908/PRES/PM ban den ñani yaali li binli 2024 cinii dakpiali ki waani yaaba n ye Gufenema nni, li yaa puoli bi den suagi ki doagidi Gufenema koanbala puoga n tie ya leni li ñoamabonli lanba 2024-1022/PRES/PM yaali n ñani li binli 2024 ciyia dana 2. Laa ñoamabona ñama cilini a bicegidinkaana cogu leni mi tuonsoanbanma bangima koanbadiegu, ki

piani gu mi tuonsoanbanma bangima yaama n den tie yaa koanbadiegu n die ku gbanansaagu jeliti tuona, bi nipanba leni a tuona baama puogili.

Laa ñoamabonli ñama baa teni yaa koanbadiegu n die ku gbanansaagu jeliti tuona, bi nipanba leni a tuona baama n baa yaa tili n goa ki bogini ku tuonsoanjaana.

II. I LAABAALITENKE

II.1. Yaa koanbali n die i laabaali, ku maasuagu, i nii n tagima leni yanluadi goada tuona puni a Koanbala Taanli yaa laabaali n tuugi leni Bulicina Faso n den kali yaa taanli leni Sayeli dogi taanyenma Cagili (AYESI) banda interineti tuona leni bu laabaalipaabu sanbila boginma li binli 2024, cinii o 25 daali Bamako po Mali diema nni.

Laa taanli den taani Sayeli dietaadima taanyenma Cagili lan tie Mali, Niseri leni Bulicina Faso bandiciama bu laabaalipaabu leni u loagu kubima a masina nni. Li taanli yeni den ñii Sayeli diema taanyenma taajuogu po bu laabaalipaabu sanbila boginma leni ti junjundi diibima leni enterineti sanbili luodima.

Li mayuli tie ki luodi Sayeli dogi taanyenma cagili AYESI juogu sanbila bu laabaalipaabu fuuli nni ke yaa tuona n bogini lipo mo n pugini laa cagili taajuogu gbamanu ki go yaa tuuni nani lan bili maama li cagili findima po.

Bu laabaalipaabu leni interineti (mi fawaama laabaalisani leni tele) baa teni sayeli cagili dietaadima yeni niba leni li ñandunli nni niba kuli n yaa baadi tonma i laabaalimoani.

II.2. Yaa koanbali n todi ku koanbadiegu yaagu n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni maama, ke o puogili tie ti diema leni i niboandogi juogu tuona puni a Koanbala Taanli **laabaali lie (02)** yaa Koanbali n die ti diema leni dietoama siiga tuginma, ti diema leni i niboandogi juogu leni ti diema niba yaaba n ye dietoama nni maama yeli po.

U cicilabaalu tuugi leni Bulicina Faso n den kali yaa taanli yaa koanbala n die diema leni diema tuginma maama Sayeli diema taanyenma cagili nni n den bogini yaali li binli 2024, ciyia dana 16 daali Bamako po, Mali diema nni.

Laa taanli den teni ke bi boeni ki didi u taajuogu tuona n baa bogini ki ɲoadi maama leni yaa sanbila n yegi leni diema leni diema taajuogu tuona boginma nani Sayeli diema taayenma cagili Yudancianba n den ɲani yaa mabilikaama bi cicitaanli daali.

U laabaalilielu tuugi leni Sayeli nipanba dajo guarifiinma. Sayeli nipanba dajo yantiali ɲani Faransi bonpienma maamaada Cagicianli li ɲandunli nni leni sayeli dogimuudi cagili lan tie Bulicina Faso, Mali, Moritani, Niseri leni Caadi taajuogu kane. Li tie ki todi Sayeli tinfanma nni nipanba ki cili piiga n bina muu (15) ki pundi piita n bina muu (35) danba tuada n lebidi ki cuani mi findima bi niba kuli po.

Laa tuonsoanjaali tuona cili leni a tuona kaanu ɲanbima leni yaa tiadi n bua kuli baama leni bi tuonsoanba taama mi diemuudima yeni nni leni a tuona gobidima boginma. Hali ke a sanbila daa luodi laa dajo laabaali tenma po, Faransi bonpienma maamaada Cagicianli li ɲandunli nni den sieni laa tuonsoanjaali leni yaa tuonsoanba n den tuuni li kani tuona. Yaa niba kuli n den ye laa tuonsoanjaali boginma nni tuona moko sedi.

Sayeli dajo tuonsoanjaali suginma den tie ki teni bi nipanba mi diemuudima yeni nni yantiana n lebidi ban tua yaaba n bua bi diema ɲamu moamoani, ki go teni laa nipanba yema n ɲanbi ki go mangi ke mi tuginmoanma ye bi siiga. Baa dinla laa suginma n li baa ki ye mi dietaadima yaama n bogini Sayeli dogi taanyenma cagili nni. Moala ne mi dietaadima yeni n pia yaa yankuali bu laabaalipaabu fuuli nni tie yaala n baa teni dajo yeni n goa ki cili leni boginpaana.

II.3. Yaa koanbadiegu n die ti diema tinbuona gobidima leni a sancena tuona puni a Koanbala Taanli yaa laabaalu n tuugi leni ki taaga n mini maama li binli 2024 cinaa 01 daali ki taa ki pundi cinii dana 31 daali leni tin daama ke dunli binli siagu baa tie maama.

Mi tañima yaama n jiidi ki cili cinaa 01 daali ki ban pundi cinii dana 31 daali kuli taanma tie milimetiri 376,4 Korisimoro po lan tie Sanmantinga porovensi nni piita n dana taa (33) siiga, leni milimetiri 1 031,8 To dogu po lan tie Sisili porovensi nni dana piinaa (40) siiga .

Mi tañincianma n jiidi yaa porovensinba nni tie U Gulumu resiyon nni, Tenkodogo diema resiyon nni, Manga diema resiyon nni, Kudugu diema resiyon nni, Dedugu diema resiyon nni, Bobo leni Banfora diema resiyonba nni. Yaa koajaana ke mi tañima ki jiidi ñama tie ya n ye Dori diema resiyon nni, Kaya diema resiyon nni, Wayiguya diema resiyon nni, Wagadugu diema resiyon nni, Siniare leni Gawa diema resiyonba nni.

Dunli 2024 binli siagu tañima taanma yaama n jiidi cinaa, o da 1 daali ki gedi cinii dana 31 daali dagidi ki tie yenma leni 2023 binli ya siagu laa yogunu po i kaani boncianla mi diema nni. Ti yaa baa boagini 2024 binli tañima leni yaa tañima n den jiidi 1991 leni 2020 bina siiga mi tañincianma n den jiidi yaa kaani den tie Berekadugu (yaali n cie milimetiri 260), Wagadugu (yaali n cie milimetiri 165), Bobo (yaali n cie milimetiri 101), Bogande (yaali n cie milimetiri 67), Fada NGulima (yaali n cie milimetiri 64). Ki sua laa yogunu po ki taaga n ki mini naani ñama tie Gawa (ke laa pundi baa milimetiri 237), Subakaniedigu (ke laa pundi baa milimetiri 221), Konbisiri (ke laa pundi baa milimetiri 200), Batie (ke laa pundi baa milimetiri 198), Tiebele (ke laa pundi baa milimetiri 159), Disini (ke laa pundi baa milimetiri 157) leni Korisimoro (ke laa pundi baa milimetiri 146).

Ku siagu juodima po, u yialu ciamu baa fidi ki tieni mi diema tingbanu kuli nni baa ke li kaa tie yaala n pia jawaanciandi.

Dunli 2024 binli yaa siagu ne, mi diema tingbannu kuli nni mu taamu kan juodi tonma nani 1991 leni 2020 bina yeni.

III. BAN DINI YAABA A BALA

III.1. BAN DINI YAABA A BALA NIYENDO TUONA PO

A. KU CICIKOANBADIEGU KANI

- Hayidara Mokitaari **TABORE**, ki tie minteeligbeeli, dini li bali ki tua yaa tuonsoanjaali n die bu yupaabu mi diema findima tuona po (lan tie ESENDE) Yudanciamo.

B. YAA KOANBADIEGU N DIIDI TI DIEMA LOAGU LENI I LIGI KANI

- Salifu **SAVADOGO**, o lanba li tuonli nni tie **208 034 K**, ki tie a luba tuona goandikoa, dini li bali ki tua i ligi bogina leni li tuona liiga yua ;
- Bukali **SUANGA**, o lanba li tuonli nni tie **56 723 S**, ki tie a luba tuona goandikoa, dini li bali ki tua baalo pana tuona liigiyua ;
- Musitafa **JABATE**, o lanba li tuonli nni tie **272 946 J**, ki tie a luba tuona goandikoa, dini li bali ki tua Iniverisite Danieli Wesen Kulibali ligikubilo;
- Vilabedari Ilirisi Miseli **MEDA**, o lanba li tuonli nni tie **257 119 U**, ki tie a luba tuona goandikoa, dini li bali ki tua yaa koanbadiegu n die ku gbanansaagu jeliti tuona, bi nipanba leni a tuona baama ligikubili liigiyua;
- Eme **NAMA**, o lanba li tuonli nni tie **343 228 U**, ki tie a luba tuona goandikaciamo, dini li bali ki tua Komoanjaali Porovensi lubigaali liiga yua ;
- Adama **KOTE**, o lanba li tuonli nni tie **49 118 G**, ki tie a luba tuona goandikoa, dini li bali ki tua Muwunni Porovenso lubigaali liigiyua ;
- Sakaliya **SAWADOGO**, o lanba li tuonli nni tie **343 550 T**, ki tie a luba tuona goandikaciamo, dini li bali ki tua Gonbusugu depatema lubigaali liigiyua;

- Sutoginoma Bedinaadi **KONBASERE**, o lanba li tuonli nni tie **239 668 Y**, ki tie a luba tuona goandikaciamo, dini li bali ki tua Kindi depatema lubigaali liigiyua;
- Kuagadebewawoga Jan Bosiko **KONPAWORE**, o lanba li tuonli nni tie **219 199 K**, ki tie a luba tuona goandikaciamo, dini li bali ki tua Kokologo depatema lubigaali tuonsoandiegu liigiyua ;
- Wendipanga Basili Arisitidi **KONPAWORE**, o lanba li tuonli nni tie **303 131 N**, ki tie a luba goandikaciamo, dini li bali ki tua Mokiteedo depatema lubigaalo liiga yua ;
- Nesitoori **BADO**, o lanba li tuonli nni tie **303 115 T**, ki tie a luba tuona goandikaciamo, dini li bali ki tua NDorola depatema lubigaali liigiyua ;

C. LI GUUNLI KOANBADIEGU KANI

- Abu Bakali **KONPAWORE**, o lanba li tuonli nni tie **57 721 W**, ki tie polisinba komiseeri, dini li bali ki tua li koanbali todikoa a tuona nni;
- Wendongudi Hamadu **JIGIMA**, o lanba li tuonli nni tie **57 712 S**, ki tie polisinba goandikaciamo, dini li bali ki tua polisinba tuonbuoli goandikoa;
- Lasana **BARIGO**, o lanba li tuonli nni tie **111 495 E**, ki tie polisinba komisericiamo, dini li bali ki tua yaa tuonsoanjaali n kpaagidi a tuona cenli n̄amu po ki go yeni a coala liigiyua.

D. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA KANI

- Tengande Fuloran **BUGUMA**, o lanba li tuonli nni tie **105 156 C**, ki tua Gufenema tondo yua n baa yaa tundi Bulicina Faso Saliwuudo Yudaano Mosiku po, lan tie Rusi diema nni.

E. YAA KOANBADIEGU N TODI BU KPAABU, LI YANWUBILI LENI MI ÑIMA NNI BONPIAKAALA KOANBADIEGU, KE KU PUOGILI TIE LI YANWUBILI TUONA KANI

- **LONPO** pua Aminata **NDUNGA**, ki tie porosenba gobidima Bando, dini li bali ki tua bu kpaabu leni li yanwubili bonbaakaala leni mi ñima bonpiakaala ñanbima tuona liigiyua yaa tuonsoanjaali n die a koajaana loagu findima kani;
- Ibirayima Haluuna **MEYIGA**, o lanba li tuonli nni tie **245 060 J**, ki tie li yanwubili leni ti yandi laafialo bando, dini li bali ki tua li yanwubili findima tuona liigiyua yaa tuonsoandiegu n die li yanwubili tuona kani;
- Mamadu **JALO**, o lanba li tuonli nni tie **50 365 E**, ki tie u cogu saliwuudi diedi gobidima tundikoa, dini li bali ki tua bu kpaabu findima, mu tinmu, mi bangima leni a koajaana boginma liiga yua.

F. YAA KOANBADIEGU N DIE A BONWAALA COGU, TI MAAMAAMAAMA COGU LENI TI DIEMA MABUOLI FINDIMA KANI

- Vensan de Poli Sidenson **WEDIRAWOGO**, ki tie minteeligbeeli, dini li bali ki tua li koanbali todikoa a tuona nni;
- Iso **SISO**, o lanba li tuonli nni tie **45 276 Y**, ki tie a bonwaala leni ti maamaamaama cogu Goandikoa, dini li bali ki tua li koanbali todikoa a tuona nni;
- Musa **NICIEMA**, o lanba li tuonli nni tie **38 814 Y**, ki tie u cogu saliwuudi diedi gobidima tundikoa, dini li bali ki tua li koanbali todikoa a tuona nni;
- Sidisabida Emanuweli **YAMEWOGO**, o lanba li tuonli nni tie **84 859 Z**, kolesinba leni lisenba cogidiena cogicanbaa, dini li bali ki tua li koanbali todikoa a tuona nni;

- Hatimi **DEME**, o lanba li tuonli nni tie **38 192 X**, ki tie a bonwaala leni ti maamaamaama cogu Goandikaciamo, dini li bali ki tua li koanbali todikoa a tuona nni;
- **BORIGO** pua Mari Felisite **SAWADOGO**, o lanba li tuonli nni tie **29 844 R**, tie a bonwaala leni ti maamaamaama cogu Goandikaciamo, dini li bali ki tua li koanbali todikoa a tuona nni;
- Mumunu **KONATE**, o lanba li tuonli nni tie **35 087 A**, ki tie tie a bonwaala leni ti maamaamaama cogu Goandikaciamo, dini li bali ki tua li koanbali todikoa a tuona nni;
- Aluuna **SORIGO**, o lanba li tuonli nni tie **34 440 J**, ki tie u cogu saliwuudi diedi ligi leni li tiadi bonkubilo, dini li bali ki tua li koanbali todikoa a tuona nni;
- Tianbe **DIYOMA**, o lanba li tuonli nni tie **20 808 N**, tie a bonwaala leni ti maamaamaama cogu Goandikaciamo, dini li bali ki tua li koanbali todikoa a tuona nni;
- Bubakali **WEDIRAWOGO**, o lanba li tuonli nni tie **40 681 W**, ki tie cogibigbenga cogicanbaa yua n lingi mi bancanma, dini li bali ki tua a cogibila canbaanba bangima cogidieciangu liigiyua;
- Siye **PALE**, o lanba li tuonli nni tie **55 320 F**, tie a bonwaala leni ti maamaamaama cogu Goandika, dini li bali ki tua Gawa diema resiyon nni a bonwaala leni mi maamaamaama cogu liigiyua;
- Adelifi **MOSE**, o lanba li tuonli nni tie **50 829 D**, ki tie a bonwaala leni ti maamaamaama cogu Goandikoa, dini li bali ki tua Buguriba porovenso nni a bonwaala leni ti maamaamaama cogu liigiyua;
- Siliven **CONBIANU**, o lanba li tuonli nni tie **39 512 U**, ki tie a bonwaala leni ti maamaamaama cogu Goandikoa, dini li bali ki tua ñaña porovenso nni a bonwaala leni ti maamaamaama cogu liigiyua;

- Yatenyua Lusiyen **WUOBA**, o lanba li tuonli nni tie **50 580 U**, ki tie a bonwaala leni ti maamaamaama cogu Goandikoa, dini li bali ki tua Komoanjaali porovenso nni a bonwaala leni ti maamaamaama cogu liigiyua;
- Kandiadiba **TINDANO**, o lanba li tuonli nni tie **38 048 T**, ki tie a bonwaala leni ti maamaamaama cogu Goandikoa, dini li bali ki tua kpenpiena porovenso nni a bonwaala leni ti maamaamaama cogu liigiyua;
- Uboli Madiseli **YOGO**, o lanba li tuonli nni tie **45 351 G**, ki tie a bonwaala leni ti maamaamaama cogu Goandikoa, dini li bali ki tua kuritenga porovenso nni a bonwaala leni ti maamaamaama cogu liigiyua;
- Yasenti **KI**, o lanba li tuonli nni tie **40 804 K**, ki tie a bonwaala leni ti maamaamaama cogu Goandikoa, dini li bali ki tua Kudiwewogo porovenso nni a bonwaala leni ti maamaamaama cogu liigiyua;
- Toma **GARANE**, o lanba li tuonli nni tie **37 724 B**, ki tie a bonwaala leni ti maamaamaama cogu Goandikoa, dini li bali ki tua porovenso nni a bonwaala leni ti maamaamaama cogu liigiyua;
- Handirisi Devisi **SANKARA**, o lanba li tuonli nni tie **87 472 Y**, ki tie a bonwaala leni ti maamaamaama cogu Goandikoa, dini li bali ki tua Nunbieli porovenso nni a bonwaala leni ti maamaamaama cogu liigiyua;
- Siye Kerewule Jonasi **TIYOYE**, o lanba li tuonli nni tie **47 848 C**, ki tie a bonwaala leni ti maamaamaama cogu Goandikoa, dini li bali ki tua Poni porovenso nni a bonwaala leni ti maamaamaama cogu liigiyua;
- Alijuma **SORO**, o lanba li tuonli nni tie **36 951 U**, ki tie a bonwaala leni ti maamaamaama cogu Goandikoa, dini li bali ki tua Suru porovenso nni a bonwaala leni ti maamaamaama cogu liigiyua;

G. YAA KOANBADIEGU N DIIDI A COGIBIGBENGA COGU LENI MI BANCANMA LINGIMA KANI

- Honore **SAVADOGO**, o lanba li tuonli nni tie **76 513 S**, o tie u cogu saliwuudi diedi ligi leni li tiadi bonkubilo, dini li bali ki tua ti tiadi daama leni a tuonsoankaana tenma yudaano, mi diema tuonsoanjaali yaali n lingi mi bancanma lingima mi findima po.

III.2. BAN DINI YAABA A BALA A TUONSOANJAANA YELI PO

A koanbala taanli den baa ban dini yaaba a bala a tuonjaana tuona gobidima po:

- ti diema ligidiegu bi niba saala-yema po (SENESESI) leni mi gobidima leni ti buudi bangima cogidiecianli ti diema nni (lan tie ENANMI) kani yaa koanbadiegu n diidi baalo saliwuudo, a tuona leni bi tuonsoanba yema ŋamu yeli nni;
- a laabaalitenla cogidiecianli (ISITIKI) kani yaa koanbadiegu n die i laabaali, ku maasuagu, i nii tagima leni yanluadi goada tuona yeli nni;
- ti diema duaninba cogidiegu kani yaa koanbadiegu n diidi ti diema loagu leni i ligi yeli nni;
- baalo tuonsoandiegu yaagu n die a dieduankaana kubili (SESESI) kani yaa koanbadiegu n diidi i dociami tinbuona boginma leni a dieduankaana ŋantaadi kani.

Moko, a koanbala taanli baa ban dini yua li bali ke o tua mi gobidima leni ti buudi bangima cogidiecianli ti diema nni (lan tie ENANMI) tuona gobidima liigiyua kani.

A. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA DAMU KANI

A koanbala taanli taa **jaga naa (04)**.

Li jagikpiali taa ñoamabonli tili ki kuani yaa niba yaa yela n ŋua ne ti diema ligidiegu bi niba saala-yema po (SENESESI) tuona gobidikaaba cagili nni li bakpiali nni bina taa (03) po.

BAN KUANI YAABA A TUONA GOBIDIKAABA CAGILI NNI BAALO YELI PO

- Mohamedi Jan Inosan **KONPAWORE**, o tie Canbaanciamo duogili Aliyansi Bulicina Asiransi tuonsoandiegu kani, o lebidi Emanuweli KABIRE;
- o pua Payidiwende Pirisili **SONGO**, o tie Bulicina wulagbila cagili tuona liigiyua, o lebidi Tusen BAMUNI.

BAN KUANI YUA A TUONA GOBIDIKAABA CAGILI NNI BI TUONSOANBA YELI PO

- Mariseli **SANTE**, ki gobidi Bulicina tuonsoanba cagili yaali n yi SEYENTEBE, o lebidi Sie Susiten PALE.

Li jagilieli taa ñoamabonli tili ki goa ki pandi yaa niba yaa yela n ñua ne, ke ban yaa ye ti diema ligidiegu yaagu n tuuni bi niba saala-yema po (SENESESI) tuona gobidikaaba cagili nni li bajuodikaali nni bina taa (03) po.

BAN KUANI YAABA A TUONA GOBIDIKAABA CAGILI NNI A TUONSOANJAANA YUDANBA YELI PO

- Jakaliya **WATARA**, o tie Korisi Holidingi SA Canbaanciamo ;
- Aluuna **TOGIYENI**, o tie cogidiena bondaano.

BAN KUANI YAABA A TUONA GOBIDIKAABA CAGILI NNI BI TUONSOANBA YELI PO

- Risari **TIENDEREBEWOGO**, o tie Bulicina tuonsoanba caga cagicianli (SESETEBE) yua;

- Samuweli **SANDIWIDI**, o tie Bulicina tuonsoanba tataancagili (UYESITEBE) yua.

Li jagitaali taa ñoamabonli tili ki goa ki pandi Mariseli **WEDARAWOGO** bali, o lanba li tuonli nni tie **217 041 T**, o tie bi niba gobidima tundikoa, ke wan yaa ye baalo po mi gobidima leni ti buudi bangima cogidiecianli tuona gobidikaaba cagili nni yaa koanbadiegu n diidi baalo saliwuudo, a tuona leni bi tuonsoanba yema ñamu yeli po li bajuodikaali nni bina taa (03).

Li jaginaali taa ñoamabonli tili ki goa ki pandi Mariseli **WEDARAWOGO** bali, o lanba li tuonli nni tie **217 041 T**, o tie bi niba gobidima tundikoa, ke wan yaa tie mi gobidima leni ti buudi bangima cogidiecianli tuona gobidikaaba cagili liigiyua li bajuodikaali nni bina taa (03).

B. YAA KOANBADIEGU N DIE I LAABAALI, KU MAASUAGU, I NII TAGIMA LENI YANLUADI GOADA TUONA KANI

A koanbala taanli taa **ñoamabonli tili** ki dini li bali Ibirayimi Patiriki **KONGO**, o lanba li tuonli nni tie **348 114 A**, o tie cogibigbenga cogicanbaa leni bancanma lingido, ke wan kua baalo po a laabaalitenla cogidiecianli tuona gobidikaaba cagili nni yaa koanbadiegu n diidi enterineti, a tisoankaana tuonsoandiedi leni tankalafo tuona yeli po li bakpiali nni bina taa (03).

C. YAA KOANBADIEGU N DIIDI TI DIEMA LOAGU LENI I LIGI KANI

A koanbala taanli taa **ñoamabonyenli tili** ki dini li bali Isa **KONSEYIGA**, o tie minteeligbengili, ke wan kua baalo po ti diema duaninba cogidiegu tuona gobidikaaba cagili nni yaa koanbadiegu n die ti diema guudima leni a minteelikpela maama yeli nni li bakpiali nni bina taa (03).

D. YAA KOANBADIEGU N DIE I DOCIAMI TINBUONA BOGINMA LENI A DIEDUANKAANA MAAMA KANI

A koanbala taanli taa **ñoamabonli tili** ki dini li bali Hebu Deni **HAYORO**, o lanba li tuonli nni tie **282 969 K** o tie li tanmaali leni ti ñinluadi tuona bando, ke wan kua baalo po baalo tuonsoandiegu yaagu n die a dieduankaana kubili tuona gobidikaaba cagili nni yaa koanbadiegu n die i dociami tinbuona boginma leni a dieduankaana maama yeli nni li bakpiali nni bina taa (03).



www.sig.gov.bf

Guvenema Masoagindo
Le Porte-parole du Gouvernement,



Rimalba Jean Emmanuel OUEDRAOGO
Officier de l'Ordre de l'Étalon
Rimaliba Jan Emanuweli WEDARAWOGO
O baa Baalo jaandi leni Tanjoa maalima

Tinunga 27 bonmu 27 nni